



## Инфляциялық күтулер

Желтоқсан 2023

- 2023 жылдың желтоқсан айында халықтың инфляциялық күтулері аздап төмендеді
- Тұтынушылардың көңіл-күйі бір жылдан кейін жеке материалдық жағдайдың бағалауының, елдің даму перспективалары бағалауларының өсуі есебінен жақсарды

### Халықтың инфляциялық күтулері

2023 жылғы желтоқсан айында алдағы 12 айда күтілетін инфляцияның медианалық бағалауы<sup>1</sup> 16,4%-ға дейін төмендеуді жалғастырды (2023 жылғы қараша – 16,8%). Бұл ретте, соңғы 12 айда қабылданатын инфляцияның медианалық бағалауы 18,2%-ға дейін өсті (16,7%) (1-график).

Желтоқсандағы сауалнама нәтижелері бойынша бір жылдық көкжиекте бағалардың жылдам өсуін күткен респонденттердің үлесі іс жүзінде өзгеріссіз қалды (27,2%), ал келесі 12 айда бағалардың баяу өсуін күткен респонденттердің үлесі 10,6%-ға дейін өсті (2023 жылғы қараша – 9,5%).

1-график. Инфляция және медианалық бағалаулар, %




Дереккөз: Халыққа телефон арқылы пікіртерім жүргізу нәтижелері, FusionLab

2023 жылғы желтоқсан айында азық-түлік бағаларының өскенін атап өткен респонденттердің үлесі 80%-ға дейін айтарлықтай өсті. Бұл ретте азық-түлік емес тауарлар бағаларының өсуін атап өткендердің үлесі айтарлықтай төмендеді (6%-ға дейін).


Тамақ өнімдерінің ішінде респонденттер сүт, ет, нан-тоқаш өнімдеріне, сондай-ақ жемістер мен көкөністерге бағасының өскенін атап өтті. Азық-түлік емес тауарлар құрылымында халық тұрмыстық химияның, киім мен аяқ киімнің, сондай-ақ дәрі-дәрмектердің қымбаттағанын атап өтті. Ақылы қызметтердің ішінде респонденттер тұрғын үй-коммуналдық қызметтер, интернет және ұялы байланыс, медициналық қызметтердің қымбаттағанын байқады (2-график).

**2-график. Жиі аталатын тауарлар мен қызметтер**

**Азық-түлік тауарлары**



**Азық-түлік емес тауарлар және қызметтер**



Дереккөз: Халыққа телефон арқылы пікіртерім жүргізу нәтижелері, FusionLab


### Халықтың тұтынушылық көңіл-күйі

Тұтынушылардың көңіл-күй индексі 2023 жылғы желтоқсан айында 115,7-ге дейін айтарлықтай өсті (2023 жылғы қараша – 106,8) (3,4,5-графиктер).


Атап айтқанда, еліміздің алдағы жылдағы даму перспективалары бойынша бағалау (13,8 пунктке) және 5 жылдан кейін даму перспективалары бойынша бағалау (12,4 пунктке) айтарлықтай өсті. Бір жылдан кейін жеке материалдық жағдайды бағалау да айтарлықтай өсті (15,2 пунктке).

Ағымдағы жағдайды бағалауда халықтың ірі сатып алуларға дайындығы көтерілді (2,7 пунктке), соңғы жылдағы жеке материалдық жағдайды бағалау іс жүзінде өзгерген жоқ.


3-график. Тұтынушылық көңіл-күй индексі <sup>2</sup>



4-график. Күтулер бағалаулары



5-график. Ағымдағы жағдай бағалаулары



Дереккөз: ҚР халқына телефон арқылы пікіртерім жүргізу нәтижелері, FusionLab

## ЕСКЕРТПЕЛЕР

---

**1** 2022 жылғы қаңтардағы инфляциялық күтулердің сандық бағасы/медианалық бағалау жарияланбады, өйткені 2022 жылғы қаңтардағы сауалнама нәтижелеріне елдегі қаңтардағы оқиғалар әсер етті, бұл үлгінің аз мөлшеріне және алдыңғы деректермен сәйкес келмеуіне әсер етті

Қабылданатын инфляцияның медианалық бағалауы келесі сұрақ нәтижелері негізінде есептелген: сіздің ойыңызша, соңғы 12 айда тауарлар мен қызметтердің бағасы қаншаға өсті? Күтілетін инфляцияның медианалық бағалауы келесі сұрақ нәтижелері негізінде есептелген: сіздің ойыңызша, келесі 12 айда тауарлар мен қызметтердің бағасы қаншаға өседі?

**2** Тұтынушылық көңіл-күйінің индексі: жеке индекстердің орташа мәні:

- соңғы жылдағы жеке материалдық жағдайының өзгеруі;
- жақын жылдағы жеке материалдық жағдайының өзгеруі;
- жақын жылдағы елдің даму перспективалары;
- жақын арадағы 5 жылдағы елдің даму перспективалары;
- ірі сатып алулар.

Ағымдағы жағдай индексі: жеке индекстердің орташа мәні:

- соңғы жылдағы жеке материалдық жағдайының өзгеруі;
- ірі сатып алу индексі.

Тұтынушылық күтулер индексі: жеке индекстердің орташа мәні:

- алдағы жылдағы жеке материалдық жағдайының өзгеруі;
- алдағы жылдағы елдің даму перспективалары;
- алдағы 5 жылдағы елдің даму перспективалары.

Сандық мән – бұл оң және теріс жауаптардың + 100 арасындағы айырмашылық ретінде есептелетін жауаптардың балансы. Индекс мәндері 0-ден 200-ге дейін өзгеруі мүмкін. 100 – ден жоғары мән оң бағалардың, 100-ден төмен теріс бағалардың басым екендігін көрсетеді